



Radio-novinska i izdavačka ustanova  
"Radio Brčko"  
Brčko distrikt Bosne i Hercegovine

Bulevar mira 18, 76100 Brčko distrikt BiH  
Tel: + 387 49 216 610 Tel./факс: + 387 49 217 157  
E-mail: [administracija@radiobrcko.ba](mailto:administracija@radiobrcko.ba) / [radiobrcko@radiobrcko.ba](mailto:radiobrcko@radiobrcko.ba)  
JIB: 4600487700004 PDV: 600487700004  
Žiro - račun: 554-005-0000-172-157 Naša Banka a.d.;  
562-004-81686-54-121 NLB Banka

Радио-новинска и издавачка установа  
"Радио Брчко"  
Брчко дистрикт Босне и Херцеговине

Булевар мира 18, 76100 Брчко дистрикт ЕпХ  
Тел: + 387 49 216 610 Тел./факс: + 387 49 217 157  
Е-mail: [administracija@radiobrcko.ba](mailto:administracija@radiobrcko.ba) / [radiobrcko@radiobrcko.ba](mailto:radiobrcko@radiobrcko.ba)  
ЈИБ: 4600487700004 ЈДБ: 600487700004  
Жиро - рачун: 554-005-0000-172-157 Наша Банка а.д.;  
562-004-81686-54-121 NLB Банка

## PRAVILNIK O UPOTREBI RADIO ETERA ZA POTREBE PREDIZBORNE KAMPAÑJE POLITIČKIH STRANAKA

### Član 1.

Ovim pravilnikom se, u skladu sa instrukcijama Regulatorne agencije za komunikacije BiH (u daljem tekstu: RAK), definišu odnosi RNU „Radio Brčko“ (u daljem tekstu Radio Brčko) i političkih stranaka koje su iskazale potrebu za svoje političko oglašavanje u vrijeme predizborne kampanje za Opće izbore 2022. godine.

### Član 2.

Radio Brčko će pravedno, profesionalno i stručno pratiti izborne aktivnosti, uz dosljedno poštivanje novinarskog kodeksa, te opće prihvaćenih demokratskih principa i pravila, posebno osnovnog principa slobode izražavanja. Radio Brčko će se pridržavati principa uravnoteženosti, poštenja i nepristrasnosti prema svim političkim subjektima u kampanji.

### Član 3.

Radio Brčko neće emitovati istupe političkih stranaka u kojima se plasiraju stereotipni i uvredljivi sadržaji na osnovu polne, vjerske, nacionalne, rasne ili bilo koje pripadnosti pojedinca ili grupe građana, kao i ostale sadržaje koji se protive Ustavu i zakonima Bosne i Hercegovine.

### Član 4.

U emisijama Radija Brčko ni jedan politički subjekt ne može imati povlašten položaj u odnosu prema drugom političkom subjektu. Funtioneri na svim nivoima vlasti, koji su kandidati na izborima, neće imati povlašten položaj prema drugim učesnicima u izbornom procesu. Informisanje o redovnim aktivnostima funkcionera na svim nivoima vlasti dopušteno je u okviru informativnih sadržaja radija bez navođenja njihove kandidature na izborima i stranačke pripadnosti kad god se radi o aktivnostima koje proizilaze iz zakonom utvrđenog djelokruga organa kojem pripadaju.

### Član 5.

Radio Brčko će svim političkim subjektima registrovanim za učešće na Općim izborima 2022. godine, na području koje svojom dozvolom za emitovanje pokriva Radio Brčko, omogućiti tri

/3/ minute besplatnog neposrednog obraćanja biračima, a prema redoslijedu utvrđenom prema već objavljenom spisku Ovjerениh političkih subjekata za Opće izbore u BiH 2022. godine koji je utvrdila Centralna izborna komisija BiH, i to u periodu od 15. 09. do 30. 09. 2022. godine od 11.15 do 11. 45 sati.

### **Član 6.**

Radio Brčko, prema instrukcijama iz RAK-a i prema Izbornom zakonu BiH, nije dužan besplatno pratiti ni jednu aktivnost političkih subjekata u vrijeme preizborne kampanje, osim sadržaja iz člana 5 ovog pravilnika.

### **Član 7.**

Informativni program Radija Brčko će u vrijeme predizborne kampanje biti sačinjen od redovnih informativnih sadržaja koji neće biti opterećeni izbornim aktivnostima, i vanrednog političkog programa kroz emisiju «Izborna hronika» koja će biti emitovana svaki dan u isto vrijeme, odnosno dva dnevna termina.

Vanredna emisija «Izborna hronika» emitovaće se od ponedjeljka do subote u terminima 12.30, nedjeljom u 13.00 i svakim danom u 19.30 sati. Nastupi u tim emisijama naručuju se posredstvom narudžbenice najkasnije 24 sata prije emitovanja i plaćaju prema utvrđenom cjenovniku.

### **Član 8.**

Predstavnicima stranaka će biti jasno i nedvosmisleno predviđeni termini njihovih besplatnih nastupa, koji će sadržavati dan i vrijeme snimanja i emitovanja predizbornog obraćanja. Politički subjekt koji ne dođe na snimanje svog predizbornog obraćanja biračima ili ne pošalje snimljeni audio zapis do termina koji mu je dodijeljen, gubi pravo naknadnog nastupa.

### **Član 9.**

Radio Brčko, kao javni emiter u BiH, ima pravo emitovati do 30 minuta sedmično plaćenog političkog oglašavanja po jednom političkom subjektu registrovanom za Opće izbore u BiH 2022. godine.

Radio Brčko će omogućiti pod jednakim uslovima svakom političkom subjektu plaćeno političko oglašavanje (oglasi, javni pozivi, spotovi i bilo koji drugi vid promocije političkog subjekta) u periodu od 30 dana prije dana održavanja izbora.

Radio Brčko će osigurati da plaćena politička oglašavanja budu jasno odvojena od preostalog programa i da ne prelaze limit o dozvoljenom reklamnom vremenu koje je utvrdila RAK BiH.

Radio Brčko će narudžbe za plaćeno političko oglašavanje zaprimiti od političkih subjekata direktno, odnosno preko pravnih ili fizičkih lica koje politički subjekti za to ovlaštene.

Narudžbe sa sadržajem oglašavanja moraju se Radiju Brčko dostaviti najkasnije 24 sata prije emitovanja.

Novčanu naknadu za usluge objavljivanja naručilac je dužan uplatiti unaprijed prema cjenovniku marketinških usluga Radija Brčko.

Radio Brčko svim strankama omogućuje produkciju radio spota s glasom spikera/voditelja. Izrada spota će se naplatiti svakom političkom subjektu po Cjenovniku izrade spotova.

U radio spotovima ne mogu učestvovati novinari Radija Brčko, osim posebnog odobrenja kojeg potpisuje direktor Radija Brčko.

### **Član 10.**

Novinari i voditelji u Radiju Brčko ne smiju u redovnim i posebnim emisijama iznositi svoju eventualnu stranačku pripadnost ili naklonost.

Novinari i voditelji Radija Brčko mogu nastupati kao voditelji stranačkih skupova koji se događaju izvan njihovog radnog vremena. U svim drugim slučajevima odobrenje za angažman novinara daje direktor Radija Brčko.

Novinari Radija Brčko mogu honorarno raditi za informativne službe političkih stranaka, ali ne smiju zloupotrijebiti poziciju u Radiju Brčko te svojim nastupom u programu samoinicijativno vršiti promociju političkog subjekta koji ga je angažovao.

### **Član 11.**

Radio Brčko u svojoj organizaciji posjeduje i internet portal [www.radiobrcko.ba](http://www.radiobrcko.ba) koji se smatra zasebnom organizacijskom jedinicom ustanove.

S obzirom na to da je način prezentacije političkih aktivnosti putem portala drugačiji u odnosu na radijsku prezentaciju, Radio Brčko je predviđao mogućnost plaćenog oglašavanja političkih subjekata i posredstvom internet portala.

Radio Brčko zadržava pravo da na Portalu ne objavi tekstove koji su uvredljivi i protive se Ustavu i zakonima Bosne i Hercegovine.

Svi politički subjekti, pod jednakim uslovima, imaju pravo zakupa reklamnih banera na portalu Radija Brčko prema utvrđenom cjenovniku za marketinško oglašavanje putem internet portala Radija Brčko, a nevezano za limit minutaže u radijskom programu.

### **Član 12.**

Svako narušavanje ovog Pravilnika ili dijela Izbornog zakona koji govori o odnosu medija i političkih subjekata u vrijeme predizborne kampanje dovodi do formiranja tijela, kojeg čine direktor Radija Brčko i predstavnik stranke, s ciljem razmatranja primjedbe upućene najkasnije 24 sata nakon narušavanja ovog Pravilnika ili nekog drugog vida ili oblika narušavanju stranačkog ili imidža Radija Brčko. Ukoliko se na ovakav način ne postigne kompromisno rješenje, predstavnik stranke ili predstavnik Radija Brčko, iako to može i prije pokušaja međusobnog razrješenja spora, može uputiti primjedbu RAK-u i Izbornoj komisiji BiH tražeći od njih tumačenje Izbornog zakona BiH, koji moraju primjenjivati i Radio Brčko i političke stranke.

**Član 13.**

Sva pojašnjenja na eventualne nejasnoće po ovom Pravilniku daje menadžment Radija Brčko.

**Član 14.**

Pravilnik stupa na snagu danom donošenja.

Brčko, 01.09.2022. godine

